

Կ. Զ. Հովհաննիսյան

ԲՈԼՇԵՎԻԿՅԱՆ «ՊՐԱՎԴԱՆ» ԵՎ ՀԱՅ ԻՐԱԿԱՆՈՒԹՅՈՒՆԸ
(1912—1914 թթ.)

«Բանվորները և «Պրավդա»-ն» հոդվածում Վ. Ի. Լենինը բնորոշել է այն խնդիրները, որոնք պետք է գտնվեն «Պրավդայի» ուշադրության կենտրոնում: Նա նշում է, որ «բանվորական թերթը բանվորական տրիբունա է: Ամբողջ Ռուսաստանի առաջ պետք է այստեղ մեկը մյուսի հետևից դնել բանվորական կյանքի հարցերն ընդհանրապես և բանվորական ղեմավարտիայի հարցերը՝ մասնավորապես»¹: Ղեկավարվելով պարտիայի առաջնորդի այդ կարևոր ցուցումով՝ «Պրավդան» առաջ էր քաշում և բանվորական հետևողական ղեմավարտիայի, ռեյուցիոն մարքսիզմի դիրքերից քննարկում ու լուսաբանում Ռուսաստանի ներքին և արտաքին կյանքին վերաբերող բոլոր կարևորագույն հարցերը: Փաստորեն «Պրավդան» ուղղություն էր տալիս պարտիական կազմակերպությունների աշխատանքներին և ղեկավարում պրոլետարիատի դասակարգային պայքարը: Գրավելով սկզբունքային, բոլշևիկյան դիրքեր, հետևողականորեն պաշտպանելով բանվորական ղեմավարտիայի շահերը, «Պրավդան» զրանով ապահովեց Ռուսաստանի բանվոր դասակարգի ճնշող մեծամասնության համակրանքը: Ռուսաստանի պրոլետարիատը հանձինս «Պրավդայի» տեսնում է իր շահերի պաշտպանին, պաշտպանում նրա գիծը, հավանություն տալիս նրան, այն համարելով իրենը:

Մեծ են բոլշևիկյան «Պրավդայի» ծառայությունները Ռուսաստանի բազմազգ պրոլետարիատի առջև: Լրագրի առաջին համարում խմբագրությունը ի լուր բոլոր բանվորների հանդիսավորապես հայտարարում է, որ «զարգացնել իր դասակարգային դիտակցությունը, հասկանալով վերաբերվել հասարակական կյանքի երևույթների և համախմբվել միասնական պրոլետարական ընտանիքի մեջ — ահա բանվորական շարժման խնդիրները և այդ խնդիրների մշտական բացատրումը հանդիսանում է բանվորական լրագիր «Պրավդայի» նպատակը»²: Ղեկավարվելով այդ կարևորագույն սկզբունքներով, «Պրավդան» սխտեմատիկաբար լուստրանում էր Ռուսաստանի ծայրամասերի՝ Լեհաստանի, Ֆինլանդիայի, Միջին Ասիայի, Մերձբալթյան երկրամասի, Ուկրաինայի և Անդրկովկասի պրոլետարիատի կյանքը, կազմակերպում և ուղղություն տալիս նրա պայքարին: Նա մեծագույն շափով նպաստել է Ռուսաստանի բազմալեզու պրոլետարիատի համախմբմանը ու ռգնել տեղական պարտիական կազմակերպություններին: Դա «Պրավդայի» կարևորագույն ծառայություններից մեկն է սեր երկրի բոլոր ազգերի բանվորների առջև:

1912—1914 թվականներին «Պրավդան» զանազան առիթներով բազմիցս անդրադարձել է հայ իրականության հետ կապված մի շարք կարևորագույն

¹ Վ. Ի. Լենին, Երկեր, հ. 18, էջ 379:

² «Правда», № 1, 1912.

հարցերի: Սկզբից եւթ նշենք, որ նպատակ դնելով լուսաբանել հայ իրականությունը, «Պրավդան» չի սահմանափակվել և բնականաբար չէր էլ կարող սահմանափակվել միայն Երևանի նահանգով: Երևանի նահանգի հետ միասին նա նկատի է ունենում նաև Բաքվի, Թիֆլիսի և Ելիզավետպոլի նահանգները, այսինքն համարյա ողջ Անդրկովկասը. որի զանազան մասերում բնակվում էին բազմաթիվ հայեր: Միայն այդպիսի մոտեցման դեպքում էր հնարավոր տալ հայ իրականության իսկական և լրիվ պատկերը:

Բուշեհիյան «Պրավդային» պարբերաբար թղթակցում էին Ս. Շահումյանը, Ս. Կասյանը, Ա. Կարինյանը (Մ. Կ., Մ. Կ.-ն), Ա. Մուսիլյանը (Ա. Նազարյան), Ա. Շահումյարյանը, Ս. Հովսեփյանը (Ն. Սուրին, Ն. Ս.-յան), Բ. Բորյանը (Ս. Բոգդանովիչ, Ս.-ա), Ն. Դադիվանյանը և ուրիշները: Նրանց թղթակցություններում բարձրացվել են ինչպես Ռուսաստանի, այնպես էլ Անդրկովկասին ու Հայաստանին վերաբերող մի շարք կարևոր հարցեր:

«Պրավդան» բավականին լայն տարածում է գտել հայ մասսաների մեջ: Նա կանոնավոր կերպով ստացվում էր Բաքվում և Թիֆլիսում, որտեղից բուշեհիյաններն այն ուղարկում էին գավառները:

Ելիզավետպոլում «Պրավդայի» տարածման գործով զբաղվում էին Ա. Շահումյարյանը և Արարատ Մուսիլյանը: Վերջինս բացի դրանից կազմակերպում էր նաև հանգանակումներ հօգուտ «Պրավդայի» երկաթյա ֆոնդի:

1912 թ. Նոր-Բայազետ է գալիս Գ. Աթաբեկյանը: Նա իր հետ բերում և տարածում է «Պրավդայի» մի շարք համարներ: Արգահանում «Պրավդայի» տարածումը ժողովրդի և զինվորների մեջ ղեկավարում էր Արամ Վարդապետյանը: Ընդհանրապես «Պրավդան» տարածվել է Ալեքսանդրոպոլում, Երևանում, Կարսում, Զանգեզուրում, Բորչալուի գավառում և այլ վայրերում: Դա, ինչ խոսք, մեծ չափով նպաստում էր հայ բանվորների դասակարգային գիտակցության բարձրացմանը: Բանվորները նրա էջերում գտնում էին իրենց հուզող բազմաթիվ հարցերի պատասխանը: «Պրավդան» դառնում է հայ բանվորների սիրելի թերթը:

«Պրավդան» լուսաբանելով հայ իրականությունը, ամենից առաջ ընդգծում էր հայ պրոլետարիատի դասակարգային գիտակցության բարձրացման, նրա պայքարի կազմակերպման և հայ պրոլետարիատին Անդրկովկասի մյուս ազգերի բանվորների հետ միավորելու հարցերը: Այս հարցերն առաջնակարգ նշանակություն էին ստանում սկսված ռևոլյուցիոն նոր վերելքի պայմաններում, վերելք, որն իր մեջ ներգրավեց նաև Կովկասը: «Կովկասյան պրոլետարիատը» հոգևածում «Պրավդան» նշում էր, որ ամբողջ Ռուսաստանով մեկ տարածված գործադուլների հզոր ալիքը արձագանք գտավ նաև Կովկասում, և դասակարգային պայքարի ելան Կովկասի տարրեր ազգերի բանվորները: «Վերջին տարիներս,— գրում էր «Պրավդան»,— նշանակալիորեն բարձրացել է Կովկասի պրոլետարիատի կուլտուրական մակարդակը, ամրացել է դասակարգային համերաշխությունը, պրոլետարական իդեոլոգիան թափանցել է բանվոր դասակարգի ամենահեռավոր շերտերը»³: Սակայն, դրա հետ միասին «Պրավդան» իրավացիորեն, որպես բանվորական շարժման թույլ կողմը, նշում էր ղեկավարող կազմակերպությունների և հատկապես արհմիությունների անբավարար զարգացած լինելը: Դեռ ասելին. Անդրկովկասի որոշ վայրերում

³ «Северная Правда», № 25, 1913г.

նրանք իսպառ գոյություն չունենին. Հայտնի է, որ ռեակցիան լուրջ հարված հասցրեց արհմիութենական շարժմանը: Ռեակցիայի տարիներին արհմիությունները փակվեցին, իսկ նրա ակտիվ գործիչներից շատերը ձերբակալվեցին: Հայ պրոլետարիատի արհմիութենական շարժմանը մեծ չափով վնասել են նաև նացիոնալիստական պարտիաները: Դաշնակները, սպեցիֆիկները և այլն, ձգտում էին ստեղծել ազգային արհմիություններ՝ հետապնդելով հայ բանվորներին Անդրկովկասյան պրոլետարիատից անջատելու նպատակը: «Պրավդան» այդ սկզբունքը համարեց վնասակար: Այդ հարցի առթիվ հանդես գալով «Պրավդայում», Ա. Կարինյանը նշում էր, որ հայ նացիոնալիստները՝ դաշնակները և սպեցիֆիկները, «ազգային արհմիություններ ստեղծելով, ցանկանում էին ինչ գնով էլ լինի անջատել հայ պրոլետարիատին Բաքվի ողջ պրոլետարիատից»⁴:

Սակայն ռեակցիայի տարիները հայ բանվորներին ցույց տվին, որ դաշնակների, սպեցիֆիկների և մյուս նացիոնալիստների սոցիալիզմը կեղծ է, որ նրանք հեռու են կանգնած բանվորական շահերի պաշտպանությունից: Հայ բանվորներն ավելի ու ավելի էին համոզվում, որ հայ նացիոնալիստների միակ մտահոգության առարկան հայ բուրժուազիայի շահերի պաշտպանումն է: Դա շատ կարևոր եղրակացություն էր, որին հանգեց հայ պրոլետարիատը: Դրա անմիջական հետևանքը եղավ նացիոնալիստական պարտիաների հեղինակության խիստ անկումը հայ բանվորների շրջանում: Սկսված ռևոլյուցիոն նոր վերելքի պայմաններում հայ բանվորները համընթաց քայլում են Անդրկովկասի պրոլետարիատի հետ: Դրա վառ վկայություններից մեկն էլ այն էր, որ հայ բանվորները մտնում էին ինտերնացիոնալիզմի սկզբունքներով կառուցված արհմիությունների մեջ: «Առաջավոր հայ բանվորները լավ գիտեն, որ նացիոնալիզմին արված ամեն մի դիջում վնասակար ու ռեակցիոն է: Այդ պատճառով էլ նրանք այժմ ավելի շատ և ավելի շուտ մտնում են հատկապես այն միությունների մեջ, որոնք միավորում են տվյալ արդյունաբերական ճյուղի բոլոր բանվորներին: Եվ եթե այժմ նույնիսկ կրկին փորձեն արհմիություններ ստեղծել ըստ ազգային հատկանիշի — այնտեղ ոչ ոք չի գնա»⁵: Դա վկայում է այն մասին, որ հայ պրոլետարիատի դասակարգային գիտակցությունը զգալիորեն բարձրացել էր, որ նա ըմբռնում էր իր դասակարգային շահերը:

«Պրավդան» իր էջերում նշանակալից տեղ է հատկացրել Անդրկովկասի մյուս ազգերի բանվորների հետ հայ բանվորների համերաշխ ելույթների ցուցադրմանը, հայ պրոլետարիատին ինտերնացիոնալիզմի ոգով դաստիարակելուն: Նա հատկապես մեծ ուշադրություն է դարձնում Բաքվի 1914 թ. գործադուլի յուսաբանմանը, որին նվիրված են բազմաթիվ հոդվածներ: Այդ բոլոր հոդվածներում, որպես կանոն, նշվում է Բաքվի բազմազգ պրոլետարիատի համերաշխ ելույթը:

«Պրավդան» նշում էր՝ դեռ չէր եղել, որ ռուս, հայ, պարսիկ, ադրբեջանցի և այլ բանվորներ, բոլորը միասին, վերանալով իրենց մասնավոր կարիքներից, այդպես համերաշխորեն հանդես գային, պաշտպանեին իրենց ընդհանուր շահերը:

Վերլուծելով Բաքվի դորժադուլը, Ա. Կարինյանը «Բաքվի գործադուլը և

⁴ «Трудовая Правда», № 32, 1914.

⁵ Նույն տեղում:



ազգային հարցը» հոգովածում, նրա ամենանշանակալից կողմը համարում էր գործադուլի ինտերնացիոնալիստական բնույթը. «Գործադուլային շարժումը Բաքվի նալթարդյունարեր:սկան շրջանում աչքի է ընկնում մեկ բնորոշ առանձնահատկությամբ: Դա ոչ միայն ողու բանվորների շարժումն է, այլ ընդհանրապես Բաքվի ողջ պրոլետարիատին: Ռուսների հետ միասին գործադուլ են անում թաթարները, հայերը, լեզգիները...»⁶: Հիրավի, Բաքվի, 50 հազարանոց պրոլետարիատը մեծագույն համերաշխությամբ ոտքի էր կանգնել իր պահանջները բավարարելու համար: «Պրավդան» նշում էր, որ Բաքվի գործադուլն իրենից ներկայացնում էր ինտերնացիոնալիստական ելույթի մի զմայլելի պատկեր: Եվ պատահական չէ, որ «Պրավդան» գտնում էր, թե Բաքվի գործադուլն «ունի այն նշանակությունը, որ վճռականորեն բոլոր հայ բանվորներից վերջնականապես դուրս կմղի ինտերնացիոնալիստական տրամադրությունը, նրանց մեջ դարգացնելով ինտերնացիոնալիզմի ողին — բանվորական շարժման խակական ողին»⁷: Բաքվի պրոլետարիատի պայքարը կազմակերպելու և նրա հաջողությանը նպաստելու համար «Трудовая правда»-ն որոշում է իրեն կից հրատարակել «Кавказский листок», որը պետք է ունենար ադրբեջանական և հայկական բաժիններ⁸: Սակայն, այդպես էլ չհաջողվեց իրագործել այդ հրաշալի պլանը: Պետք է ենթադրել, որ դրան խանգարեցին նյութական անհրաժեշտ միջոցների բացակայությունը և վրա հասած համաշխարհային պատերազմը, որը վերջ տվեց գործադուլին:

Միայն սրանով չի նշանակալից Բաքվի գործադուլը: «Պրավդան» առանձնացնում է այդ գործադուլի մյուս կարևոր կողմը՝ հայ պրոլետարիատի դասակարգային գիտակցության բարձրացումը: Դրա կոնկրետ արտահայտությունն ալն էր, որ հայ բանվորները հրաժարվում են պարզեզրամների, փեշքեշների պահանջից և առաջարկում աշխատավարձի բարձրացման պահանջ: Դա հայ բանվորի գիտակցության բարձրացման ուղղությամբ մի խոշոր քայլ էր դեպի առաջ: «Փեշքեշները» պահանջը երկար ժամանակ առաջադրում էին ադրբեջանցի, պարսիկ և հայ բանվորները: «Բանվորների մասսան, մեծ մասամբ Պարսկաստանից կամ թե հայկական խուլ գյուղերից եկածները, հեռու էր պարզեզրամներ ստանալու աննպատակահարմարությունը հասկանալուց»⁹: Պարզեզրամները, ինչպես նշել է Ս. Շահումյանը, վերջին հաշիվով ծառայում էին տերերի շահերին: Նրանք բանվորների մեջ կարող էին շահագրգռվածություն առաջացնել, որ կապիտալիստի պորձերը լավ ընթանան: Դա բանվորներին կապիտալիստների կողմը պրավելու և բանվորների ու կապիտալիստների միջև շահերի ընդհանրությունը կեղծ, նացիոնալիստական «թեորիաներ» հիմնավորելու մի քողարկված ձև էր: Այդ պատճառով էլ բոլշևիկները սկզբից եւեթ դեմ արտահայտվեցին «փեշքեշներին»: Նրանք նշում էին, որ իսկական պրոլետարիական պահանջ կարող է լինել ոչ թե «փեշքեշը», այլ աշխատավարձի բարձրացումը: Բոլշևիկներն այդ ուղղությամբ հասան մեծ հաջողությունների: Նրանք հասկանալի դարձրին, «փեշքեշներին» վնասակար լինելը բանվորական շարժման համար: «Եվ այժմ ահա այդ մասսան (պարսիկները և հայերը — Ն. Հ.) վերջապես հասավ այն գիտակցության, որ պարզեզրամներ-

⁶ Ն ու լ յ ն տ ե դ ու մ:

⁷ Ն ու լ յ ն տ ե դ ու մ:

⁸ Տես Ն ու լ յ ն տ ե դ ու մ, № 10, 1914.

⁹ Ն ու լ յ ն տ ե դ ու մ, № 3, 1914.

լը դրանք վաստակած բանվորական արժեքների մասն են և նա իրավունք ունի այն ստանալու: Եվ պարզեցնելով այս հասկացությունը, պահանջի հետ միասին այդ մասսան առաջադրել է աշխատավարձը բարձրացնելու պահանջը»¹⁰: Դա արդեն պրոլետարական քաղաքականության հաղթանակն էր հայ բանվորների շարժանում:

Կոմկասում, ինչպես նշել է Ստ. Շահումյանը, ունույնցիայի ոխերիմ թըշնամին միշտ էլ եղել է նացիոնալիզմը: Հայ, վրացի և ադրբեջանցի նացիոնալիստները միշտ էլ աշխատել են բոլորոքել ազգային կրթերը, ազգային կովի կոչ են արել, որպեսզի դրանով սեպարատիզմ մտցնեն Անդրկովկասի պրոլետարիատի շարքերը: Հասկանալի է, որ այդ կարևոր և ցավոտ հարցը «Պրավդան» չէր կարող մոռացության մատնել: Նա սիստեմատիկաբար մերկացնում է Անդրկովկասյան նացիոնալիստական պարտիաներին, այդ թվում և զաշնակներին ու սպեցիֆիկներին և Կոմկասի բաղմազգ պրոլետարիատին համեմատելով իրենց հետ: «Պրավդան» նշում էր, որ զաշնակցությունը բուրժուա-նացիոնալիստական պարտիա է, որը փորձում է հայ բանվորներին անջատել մյուս ազգերի բանվորներից և նրանց միավորել հայ կապիտալիստների հետ: Դաշնակցությունը հայ բուրժուազիայի շահերի պաշտպանն էր: «Պրավդան» գրում էր. «Հայ կապիտալիստների չափազանց խանդոտ պաշտպանությունը, որը հանդես է բերում «զաշնակցությունը», ցույց տվեց, որ այդ պարտիան ըստ էության բուրժուական է»¹¹: Այդ պարտիայի նացիոնալիստական և բուրժուական բնույթը չէր կարող քողարկել և ոչ մի «սոցիալիստական» քղա-միդ: Մերկացնելով զաշնակցության կեղծ սոցիալիզմը, «Պրավդան» գրում էր. «Մի շարք տարիների ընթացքում կոմկասյան մարքսիստները պայքարել են առավել կոչված «զաշնակցություն» պարտիայի և բուրժուական նացիոնալիստների կոմկասյան մյուս խմբավորումների դեմ, որոնք իրենց անվանում են սոցիալիստներ»¹²: Այստեղ «Պրավդան» ի նկատի ունի նաև սպեցիֆիկներին: Վերևում արդեն նշվեց նրանց միասակար գերը արհմիութենական շարժման մեջ և ընդհանրապես պրոլետարիատի դասակարգային կազմակերպությունների հարցում: Նրանք փորձում էին հանդես գալ որպես հայ պրոլետարիատի միակ հերկայացուցիչներ և պաշտպանում էին բանվորական կազմակերպություններն ըստ ազգային հատկանիշի կառուցելու սկզբունքը: «Պրավդան» հայ սպեցիֆիկներին իրավացիորեն դնում է հրեական բունդի կողքին՝ երկուսի համար էլ ընդհանուր համարելով այն, որ նրանք Վոստոկով իրենց հայտարարում են ինտերնացիոնալիզմի կողմնակիցներ, սակայն ռոյեկտիվորեն, իրենց գործունեությամբ նրանք տիպիկ նացիոնալիստներ են, որոնք տրոհում են պրոլետարիատի միասնական, դասակարգային շարժումը: Բունդականները և սպեցիֆիկները «հայտարարում էին, որ հատկապես իրենց ազգային ծրագիրն է պարտադրում պաշտպանելու պրոլետարիատին ըստ ազգությունների կազմակերպելը, «միակ ներկայացուցչությունը» ազգային տոները և փաստորեն—բանվորական ուժերի մասնատումը, շարժման տրոհումը, նրա դասակարգային էության նենգափոխումը «ազգային տոներով»¹³: Այստեղ, ինչպես տեսնում ենք, «Պրավդան» լիովին բացահայտում է սպեցիֆիզմի նացիոնալիստական

¹⁰ Ն ու չ ն տ ե դ ու մ:

¹¹ Ն ու չ ն տ ե դ ու մ, № 32, 1911.

¹² „Пролетарская правда“, № 9, 1911.

¹³ Ն ու չ ն տ ե դ ու մ, № 11, 1914.

էութիւնը և դրանով ցույց տալիս նրա ողջ վնասակարութիւնը պրոլետարական շարժման համար: Նա միաժամանակ հույս էր հայտնում, որ բունդիզմը և սոյեցիալիզմը հաջողութիւն չեն ունենա բանվորական շարժման մէջ: Դրա գրավականն էր հանդիսանում այն, որ հայ բանվորները Կովկասի մյուս ազգերի բանվորների հետ միասին պաշտպանում էին պրոլետարիատի կազմակերպութիւնների կառուցման ինտերնացիոնալ սկզբունքը: Այդ կապակցութեամբ «Պրավդան» «Բանվորական համերաշխութիւն» հոդվածում գրում էր. «Կովկասում 15 տարվա ընթացքում բոլոր ազգերի մարքսիստ բանվորները — և վրացիները, և՛ հայերը, և՛ թաթարները, և ռուսները — կիրառում են կազմակերպման այդ (ինտերնացիոնալիստական — Ն. Հ.) մեթոդը»¹⁴: «Պրավդան» իրավացիորեն գտնում էր, որ միայն կազմակերպման այդ ձևն է, որ ծառայում է տարբեր ազգերի համախմբման գործին և միաժամանակ պատենշ հանդիսանում՝ ընդդէմ բանվորական միջավայրում շանաղան նացիոնալիստական թեորիաների տարածման:

Այս բոլորի հետ միասին «Պրավդան» որոշակի ուղադրութիւն է դարձրել հայ բուրժուա-նացիոնալիստների ազգային ծրագրերի և հայացքների մերկացմանը: Նա ճիշտ է նկատում, որ մի կողմից բուլշևիկների, իսկ մյուս կողմից հայ նացիոնալիստների միջև գլխավորապէս պատմել է ազգային հարցի շուրջը: Կովկասյան մարքսիստները պաշտպանում էին ինտերնացիոնալիզմի սկզբունքները, վրացի, հայ, թաթար, ռուս և այլ բանվորների միավորումը»¹⁵, մինչդեռ նացիոնալիստները հանդիս էին դալիս ազգերի սահմանազատման, ազգային-կուլտուրական հիմնարկների ստեղծման, դպրոցական գործերի անջատման և այլ վնասակար պահանջներով: Այս շրջանում հատկապէս լայն տարածում ստացավ կուլտուր-ազգային ավտոնոմիայի պահանջը, որը, մյուս ազգերի նացիոնալիստների հետ միասին, առաջադրում էին նաև հայ նացիոնալիստները: «Պրավդան» բազմաթիւ հոդվածներ է նվիրել կուլտուր-ազգային ավտոնոմիայի նացիոնալիստական էութեան բացահայտմանը: Նա ցույց էր տալիս, որ կուլտուր-ազգային ավտոնոմիան նուրբ նացիոնալիզմ է: Այն ծառայում է բանվորների սահմանազատմանը ըստ ազգային հատկանիշի, բորբոքում է ազգային կրքերը, խորացնում ազգային ատելութիւնը, բռնի և ծառայում է տիրապետող դասակարգի շահերին: «Պրավդայում» տպագրվել են Վ. Ի. Լենինի մի շարք հոդվածները, նվիրված ազգային հարցին, որտեղ նա մերկացնելով ամեն դուշնի նացիոնալիստների, միաժամանակ մշակում և հիմնավորում է ազգային հարցի մարքսիստական թեորիան: 1914 թ. փետրվարի 5-ին «Պրավդայում» լույս տեսավ Վ. Ի. Լենինի «Ազգային ծրագրի պատմութեան շուրջը Ավստրիայում և Ռուսաստանում» հոդվածը, որտեղ նա ցույց էր տալիս կուլտուր-ազգային ավտոնոմիայի վնասակար լինելը պրոլետարիատի համար և նշում, որ այդ նացիոնալիստական թեորիան հրեական բունդի ու «Սերպ»-ի, բելոռուսական գրոմադայի, վրացական սոցիալիստ-ֆեդերալիստների հետ միասին պաշտպանում է նաև դաշնակցութիւնը: Վ. Ի. Լենինը նշում էր, որ կուլտուր-ազգային ավտոնոմիան անջատում է տարբեր ազգերի բանվորներին և միացնում մեկ ազգի պրոլետարիատին ու բուրժուազգային, բռնի պայքարելով նրա դէմ, պետք է ձգտենք, որ «բոլոր ազգերի բանվորներին հա-

¹⁴ „Правда труда“, № 12, 1913.

¹⁵ „Пролетарская правда“, № 9, 1914.

ժախմբենք միևնույն պայքարում՝ ընդդեմ ամեն մի նացիոնալիզմի, միևնույն պայքարում՝ հանուն իսկուպես դեմոկրատական ընդհանուր զարոցի և հանուն քաղաքական ազատության ընդհանրապես»¹⁶:

Այս բոլորը, անշուշտ, մեծ ռաբոթյուն էր հանդիսանում Հայաստանի բուլղարիկներին այն պայքարում, որ նրանք մղում էին հայ բուրժուա-նացիոնալիստների դեմ՝ հանուն պրոլետարական ինտերնացիոնալիզմի վեհ գաղափարների հաղթանակի հայ իրականության մեջ:

Մեր կողմից քննադատվող ժամանակաշրջանում ինչպես ողջ Ռուսաստանի, այնպես էլ Անդրկովկասի բուլղարիկների կարևոր խնդիրներից մեկն է եղել պայքարը մենշևիկ-լիկվիդատորների դեմ: Այդ պայքարը նույնպես իր արտացոլումն է գտել «Պրավդայի» էջերում: Ս. Կասյանը նշում է, որ 1912 թ. իրենց հաջողվեց «կապ հաստատել պրոլիեցիայի հետ, ուժեղացնել պայքարը ընդդեմ մենշևիկ-լիկվիդատորների, որի մասին ես գրել եմ այն ժամանակվա «Պրավդայում»¹⁷: 1913 թ. հոկտեմբերի 29-ին «Պրավդայում» «Կովկասյան մարքսիստները» վերնագրով լույս տեսավ մի նամակ, որը ստորագրել էին 11 հոգի, այդ թվում Ա. Մուսվաթյանը, Ս. Հովսեփյանը և ուրիշներ: Նրանք Կովկասի ողջ պրոլետարիատի՝ հայ, վրացի, ադրբեջանցի, ռուս և այլն անունից հայտնում են, որ պաշտպանում են 4-րդ Պետական դամալում բուլղարիկյան 6 դեպուտատների դիրքը, որոնք չափազանց դժվարին պայմաններում վարում էին հետևողական պրոլետարական քաղաքականություն և դատապարտում մենշևիկյան «յոթնյակի» լիկվիդատորական վարքագիծը: Կովկասյան մարքսիստները գրում էին. «Մենք բոլոր հիմքերն ունենք հայտարարելու, որ լիկվիդատորական լուպուլաները կովկասյան բանվորների և մասնավորապես Բաքվի բանվորների շրջանում, բուրժուական համակրանք չեն վայելում»¹⁸: Դրա հետ միաժամանակ կովկասյան մարքսիստները մերկացնում են լիկվիդատորական «յոթնյակին» Պետական դամալում կուլտուր-ազգային ավտոնոմիայի պահանջը մտցնելու համար: Նրանք մատնանշում էին, որ այդպիսի պահանջ առաջադրելու համար «յոթնյակը» և նրա մեջ մտնող կովկասյան դեպուտատները չեն ստացել նաև կովկասյան բանվորական կազմակերպություններից և նրանք իրավունք չունենին այդ հակամարքսիստական պահանջն առաջադրելու: Առաջադրելով կուլտուր-ազգային ավտոնոմիայի պահանջը «յոթնյակի» կովկասյան դեպուտատները դրանով իսկ, ինչպես նշում էր «Պրավդան», քաղաքական քաղաքավարության տուրք են տվել հայ նացիոնալիստ դաշնակցականներին, որոնք 4-րդ Պետական դամալի ընտրությունների ժամանակ իրենց ձայնը տվել էին մենշևիկ-լիկվիդատոր Չխեիձեին:

Անդրկովկասի բուլղարիկները բացահայտելով լիկվիդատորության վտանգը բանվորական շարժման համար, Կովկասի բոլոր ազգերի բանվորներին կոչ էին անում ուժեղացնելու իրենց պայքարը ընդդեմ լիկվիդատորների՝ հանուն ռուսացիոն մարքսիստական ծրագրի: «Կոչ ենք անում ձեզ ընկեր կովկասյան բանվորներ, հետևելու Պետերբուրգի պրոլետարիատի օրինակին և իր վճռական խոսքն ասել սոցիալ-դեմոկրատական ֆրակցիայի լիկվիդատորություն անող յոթ անդամների առթիվ, ասել, որ դուք թույլ չեք տա այդպես անպատասխանատու կերպով ոտնակոխ անել մեր հին մարտական ծրագիրը, որի համար

¹⁶ Վ. Ի. Լենին, Երկեր, հ. 19, էջ 274:

¹⁷ ЦПА ИМЛ, ф. 124, оп 2, ед. хр. 804, л. 7.

¹⁸ „За правду“, № 22, 1913.

մղած պայքարում դուր տվել էր աղքատ շատ դոճեր»¹⁹։ «Պրավդան» միաժամանակ հավաստիացնում էր բոլշևիկյան «վեյսյակին», որ ինչպես միշտ, այնպես էլ այս անգամ Ռուսաստանի ողջ պիտակից պրոլետարիատը կաջակցի նրանց այն պայքարում, որ նրանք մղում են Ռուսաստանի բաղժալդ պրոլետարիատի շահերի պաշտպանության համար։

1912—1913 թթ. «Պրավդան» չայն պայքար ծավալեց բանվորներին դժբախտ դեպքերից և հիվանդություններից ապահովագրող օրենքը բոլոր ձեռնարկությունների վրա տարածելու համար։ Բանը նրանումն էր, որ դոկություն ունեցող օրենքը ուներ մեծ թերություններ և սահմանափակումներ։ Այդ սահմանափակումներից մեկն էլ այն էր, որ նա չէր տարածվում փոքր ձեռնարկությունների բանվորների վրա։ «Պրավդան» ցույց էր տալիս, որ դժբախտ դեպքեր տեղի են ունենում ոչ միայն խոշոր ձեռնարկություններում, այլ նաև մանրերում, դեռ ավելին. վերջիններում ավելի շատ, որովհետև տեխնիկական անվտանգությունն այնտեղ ավելի վատթար վիճակում էր գտնվում։ Իրեն օրինակներ նա հաճախակի Ռուսաստանի զանազան ծայրամասերից տպում էր հասարակականներ վթարների և այլ դժբախտ պատահարների մասին։ «Պրավդայում» այդպիսի հաղորդումներ տպվում էին նաև Հայաստանից։ 1913 թ. հունվարի 16-ի համարում տպագրված «Կատաստրոֆա գործարանում» վերնադրով հաղորդման մեջ նշվում էր, որ եղբայր Կունդուրովներին պատկանող Ղաթարի սղոնձաձուլական գործարանում դինամիտի պայթյունի հետևանքով սպանվել է վեց մարդ և հիմնահատուկ ավերվել՝ երկհարկանի շենքը²⁰։ «Պրավդան» բացատրում էր, որ ապահովագրության մասին օրենքը տարածվում է խոշոր ձեռնարկությունների բանվորների վրա այն պատճառով, որովհետև նրանք ավելի կազմակերպված են և կապիտալը հարկադրված զիջում է այդ ուժի առջև։ Թերթը կոչ էր անում մասն ձեռնարկությունների բանվորներին կազմակերպվել և համախմբվել, որովհետև միայն այդ ուղիով կարելի էր շատ թե քիչ բարելավել բանվորների տնտեսական պայմանները։

«Պրավդայի» համառուսական այդ տրիբունայի, գործունեության դրական ու կարևոր կողմերից մեկը եղել է այն, որ նա շափաղանց ուշադիր և հոգատար վերաբերմունք ուներ աղղային լեյուներով տուվող մարքսիստական հրատարակությունների հանդեպ։ Նա այդ հրատարակությունների մասին սխտեմատիկաբար տպում էր հաղորդումներ, համառուսակի շարադրելով նրանց բովանդակությունը։ Դրանով տեղական բոլշևիկների աշխատանքի այդ կողմի մասին տեղյակ էր դառնում ողջ պրոլետարական Ռուսաստանը և բացի այդ, դա ոգևորում, ուժ ու եռանդ էր ներշնչում հրատարակման գործը կազմակերպողներին։

«Պրավդան» այդպիսի հաղորդումներ է տպել «Մեր խոսքի» և «Բանվորական նոր գրադարանի» մասին։

Ինչպես հայտնի է, 1914 թ. հունվարին Թիֆլիսիում հաջողվեց Ս. Կասյանի խմբագրությամբ լույս ընծայել «Մեր խոսքը», որի հետ մեծ հույսեր էին կապում բոլշևիկները։ 1914 թ. փետրվարի 6-ին «Մեր խոսքի» մասին «Պրավդայում» լույս տեսավ Ա. Մուսյանի հաղորդագրությունը, որտեղ նշվում էր որ ամսագրի առաջին համարը կազմված է հետաքրքիր և բաղժալդ մանի։

¹⁹ Ն. Ս. Ս. տեղում։

²⁰ «Правда», № 12, 1913.

Այնուհետև շարադրվում է կոմիտեի հոգովածների համառոտ բովանդակությունը: Վերջում «Պրավդան» գրում է. «Ցանկանք հայ բանվորների երիտասարդ օր-
դանին հաջողություն և երկարատև զոյություն բանվորական մամուլի համար
զեղվար մամանակներում»²¹: Սույն «Բեր խոսքը» երկար կյանք շունեցավ,
նրա առաջին և միակ համարը լույս աղարկվեց, իսկ հրատարակիչները դատի
տրվեցին:

1914 թ. պրոլետարական դրույ Հ. Հակոբյանին հաջողվում է իր իսկ հիմ-
նած տպարանական բանվորների խմբակի օգնությամբ հրատարակել ամենամ-
սյա զրբույններ՝ «Կարմիր մեխակներ», «Բանվորի ալբոմ» և այլն, որոնց
շուրջը առաջին անգամ կոլեկտիվ կերպով համախմբվում են հայ պրոլետար
զրույները: Հ. Հակոբյանի այս նախաձեռնությունը ողջունեցին «Պրավդան»,
Ս. Շահումյանը և Ա. Լուսաշարսկին: Վերջինս, ինչպես նշում է Հ. Հակոբյանը
Փարիզից, «Կարմիր մեխակների» ֆոնդը ամբողջովին համար, ձրի հոգոված
ուղարկեց, «Արվեստը կյանքի համար» վերնադրով²²: «Պրավդան», նշում էր,
որ առանձնապես հաջող են կազմված «Կարմիր մեխակները»: Նա հեղինակ-
ների մեջ հատկապես առանձնացնում էր «վշտի պոետ» Հ. Հակոբյանի ստեղ-
ծագործությունը, որտեղ տրված է պործարանային կյանքի ճշմարիտ պատկերը:
Դրվատական խոսքեր կան Ա. Վարդանյանի «Ուրվականներ» ստեղծագործու-
թյան մասին, որտեղ հեղինակն ընդհանուր գծերով տվել է «ուժեղների» և բո-
ղոքույների պորտրետները: Ժողովածուում տպագրված բոլոր գործերն էլ, շնա-
յած իրենց թերություններին, դնահատվում են որպես անկեղծ և ճշմարտացի-
րեն գրված ստեղծագործություններ: «Պրավդան» հույս էր հայտնում, որ
«նոր գրողարանի» հրատարակությունները, անկասկած, հայ բանվորների մոտ
հաջողություն կունենան: Առաջավոր հայ բանվորները պետք է ուժերը ներա-
ծին չափ օգնեն տպագրական բանվորների նախաձեռնությանը և դրանով իսկ
նպաստեն պրոլետարական լայն հրատարակչության ստեղծմանը²³: Դժբախ-
տաբար այդ ղեղեցիկ ձևոնարկումն ընդհատվեց սկսված համաշխարհային իմ-
պերիալիստական պատերազմի պատճառով:

1912—1914 թթ. դարձյալ սրվեց «Հայկական հարցը»: Հենց այս շրջանում
էր՝ 1913 թ., որ Արևմտյան Հայաստանի վերաբերյալ ռեֆորմների իր նախա-
գծով հանդես եկավ ցարական Ռուսաստանը, որը սակայն մերժեցին Թուրքիան
և Արևմտյան տերությունները: Ընդհանրապես «Հայկական հարցը» կրկին դառ-
նում է միջազգային դիվանագիտությանը հետաքրքրող հարցերից մեկը: Սա-
կայն այդ հետաքրքրության դրդապատճառը, ինչպես նշում էր «Պրավդան»,
ուչ թե մեծ տերությունների պորտուխտական, մարդասիրական մղումն էր ղեպի
հայ ժողովուրդը և նրա ծանր վիճակը, այլ Փոքր Ասիայի, Թուրքական Հայաս-
տանի քաղաքական և տնտեսական նշանակությունը²⁴:

Բոլշևիկյան «Պրավդան», սխտեմատիկաբար և բազմակողմանիորեն լու-
սարանում էր հայ ժողովրդին այնքան հուզող և նրան այնքան դժբախտու-
թյուններ բերած «Հայկական հարցը»: Նրա լջերում տպագրվել են «Փոքր Ասիան
և հայկական հարցը» (27 հուլիսի 1913 թ.), «Թուրքիայում» (17 օգոստոսի
1912 թ.), «Անհետացող Հայաստանը» (14 հունիսի 1913 թ.), «Հայկական հար-

²¹ „Путь правды“, № 14, 1914.

²² Տե՛ս ЦПА, ИМЛ, ф. 124, оп 1, ед хр. 24, л. 10.

²³ „Путь правды“, № 50, 1914.

²⁴ Ն ու շ Ն տ ե ղ ու ժ, № 10, 1914.

ցի շուրջը» փետրվարի 1914 թ.) և այլ հոդվածներ ու հաղորդումներ: Այդ հոդվածներում փաստորեն շարադրված է բոլշևիկյան պարտիայի դիրքը այդ վեպին աստիճանի կնճռոտ հարցի վերաբերյալ: Քննարկելով «հայկական հարցը», «Պրավդան» նախ և առաջ մերկացնում է միջազգային իմպերիալիզմի, կոնկրետ կերպով գերմանական, անգլիական, ֆրանսիական և ռուսական իմպերիալիզմի քաղաքականությունը, որոնք իրենց քաղաքական և տնտեսական նպատակների համար, Թուրքիայի վրա ձնշում դործադրելու և նրանից զիջումներ կորզելու համար ժամանակ առ ժամանակ վեր էին բարձրացնում «հայկական հարցը»: «Փոքր Ասիայի, իսկ դա նշանակում է և Հայաստանի մասին, գերմանական կապիտալը վաղուց է երազում»²⁵: Ինչպես իրավացիորեն նշում էր «Պրավդան», նրա մասին երազում էր նաև անգլիական, ֆրանսիական և ռուսական կապիտալը, որոնք ամեն գնով ձգտում էին ձեռք բերել այդ հազվադուր «հյուսիսային կտորը»: 1913 թ. մայիսի 27-ին Թիֆլիսում «Անհետացող Հայաստանը» վերնագրով դասախոսություն է կարդում «Виржевые Ведомости»-ի աշխատակից Օլգենինը: Նա առանց քաշվելու հայտարարում է, թե «հայկական հարցը միաժամանակ և ռուսական հարց է»: Մերկացնելով ռուսական ֆինանսական կապիտալի շահերի պաշտպանի այդ ելույթը, «Պրավդան» գրում էր, որ փաստորեն պ. Օլգենինը կոչ է անում ցարական կառավարությանը նվաճողական քաղաքականություն վարել փոքր Ասիայում, որն, անշուշտ, կհանգեցնի նոր ավանտյուրաների և նոր զոհեր կպահանջի տանջված հայ ժողովրդից: Ուստի «Պրավդան» զգուշացնում էր, որ «նոր ավանտյուրաները, նոր զավթումները, նոր բարդությունները մեր ժամանակվա թանձր միջազգային մթնոլորտում դեմոկրատական Ռուսաստանի, այդ թվում և դեմոկրատական Հայաստանի օգտին չեն»²⁶: Միջազգային իմպերիալիզմի մեքենայություններից և գործարքներից տուժողը լինում էր հայ աշխատավոր ժողովուրդը, որը նրանց գործարքների համար վարձահատույց էր լինում իր արյունով:

Դրա հետ միաժամանակ «Պրավդան» մերկացնում էր Թուրք բարբարոսներին և նրանց ձեռքին գործիք դարձած քուրդ ավազակներին, որոնք դժոխային պայմաններ էին ստեղծել հայ աշխատավոր ժողովրդի համար: Հայր Թուրքիայում բոլոր տեսակետներից էլ իրավագուրկ էր: Այդ կապակցությամբ «Պրավդան» գրում էր. բոլորին էլ հայտնի է «Թուրքահայերի ծանր, անտանելի վիճակը, նրանց վերին աստիճանի աղքատությունը, հայ գյուղական բնակչության պրոգրեսիվորեն աճող պառպեղիզացիան, մասնավոր սեփականության նրա երևակայական իրավունքը ինչպես հողի, այնպես էլ շարժական գույքի նկատմամբ, նրա իրավական—վարչական անսպաշտպանությունը և այլն և այլն»²⁷: Հայ ժողովրդի գոյության համար Թուրքիայում ստեղծվել էր սպառնալից վիճակ, մանավանդ, որ Թուրքերը գիտակցաբար իրենց քաղաքականության անկյունաքար էին դարձրել հայ ժողովրդի բնաջնջումը: Եվ «Պրավդան» տագնապ արտահայտելով Թուրքահայ ժողովրդի բախտի նկատմամբ, հարցնում էր. «Ի՞նչ կլինի ժողովրդի հետ, որը միակ կուլտուրաբեզերն է Առաջավոր Ասիայում»²⁸:

Պետք է նշել, որ այդ ժողովրդի բախտը քիչ էր հետաքրքրում նաև հայ

²⁵ „Рабочая правда“, № 13, 1913.

²⁶ „Правда“, № 135, 1913.

²⁷ Ն ու չ ն տ ե դ ու մ :

²⁸ „Рабочая правда“, 13, 1913.

բուրժուազիային և հայ նացիոնալիստներին, չնայած նրանց բազմաթիվ «ազդասիրական» դեկլարացիաներին՝ նրանց ազգային քաղաքականությունը հեռու էր թուրքահայ ժողովրդի շահերը արտահայտելուց: Հայ բուրժուազիային, ինչպես և ռուսական իմպերիալիզմին հետաքրքրողը, նշում էր «Պրավդան», եղել է նոր շուկա ձեռք բերելու հարցը: Այդ պատճառով էլ հայ բուրժուազիան համակրանքով էր վերաբերում Թուրքահայաստանը գրավելու ռուսական դիվանագիտության պլաններին, հասկանալով, որ նրանց իրականացման դեպքում կովկասահայ բուրժուազիան կշահի:

«Պրավդան» բացահայտել է «հայկական հարցում» հայ բուրժուա-նացիոնալիստների քաղաքականության նաև մյուս կողմը: Հայ բուրժուա-նացիոնալիստները «հայկական հարցը» համարել են «արտադասակարգային», «համազգային» դատ, որին պետք է ենթարկվեն հայերի, այդ թվում և բանվորների մյուս բոլոր խնդիրները: Դա նրանց ձեռքին մի գործիք է եղել նացիոնալիզմի կրակը անմար պահելու և հայ սյրուլետարիատին դասակարգային պայքարից հեռու պահելու համար: Ինչպես նշում էր «Պրավդան», «Թուրքահայերի հարցը հայ բուրժուազիան ուզում է դարձնել մի շանթարգել՝ ընդդեմ գիտակցական կյանքի արթնացող հայ բանվորի»²⁹:

Մերկացնելով և՛ միջազգային իմպերիալիզմի, և՛ հայ բուրժուազիայի ու նրա նացիոնալիստական սպասարկուների քաղաքականությունը, որոնք միշտ փորձում էին հանդես գալ թուրքահայ ժողովրդի անունից, «Պրավդան» նշում էր, որ նրանց ընտրած ուղիով չի կարելի հասնել «Հայկական հարցի» լուծմանը, մանավանդ, որ այդ քաղաքականության մեջ բոլորովին չի լսվում թուրքահայի ձայնը, նրա շահերը բոլորովին անտեսված են: «Թվում էր թե,—գրում էր «Պրավդան», քանի որ հարցը վերաբերում է թուրքահայերին՝ հենց նրանց էլ պետք է պատկանի օձնական խոսքը: Սակայն հայ բուրժուազիայի գաղափարախոսները նշված ուղղությամբ չեն գործում: Նրանց համար ցանկալի է ծուծով միջոցներով օժանդակել ռուսական դիվանագիտության մտադրություններին ու պլաններին, քանի որ նրանք արդեն շատ լավ գիտեն, որ թուրքահայերի համար ո՛չ ցանկալի և ո՛չ էլ փրկարար կլինի կանգնել գորեմիկինյան նացիոնալիստական քաղաքականության պաշտպանության տակ»³⁰: Ահա թե ինչու հայ նացիոնալիստները, չնայած «հայկական հարցի» շուրջը բարձրացրած իրենց աղմուկին, վախենում էին հարցնել և իմանալ թուրքահայերի կարծիքը, ցանկությունները: Դրա փոխարեն նրանք նախընտրում էին այդ հարցը լուծել կոլտուրաներում, մասնավոր խորհրդակցություններում և այլն: «Պրավդան» արտահայտելով բուլճեկյաների տեսակետը, թուրքահայ հարցի լուծումը վերջին հաշիվով, կապում էր Թուրքիայի ներքին բարեփոխումների հետ, հին, այսինքն՝ բռնակալական կարգերի լրիվ վերացման և դեմոկրատական կարգերի հաստատման հետ: Իսկ դրա համար պետք էր ոչ թե արտաքին միջամտություն, այլ Օսմանյան կայսրությունում բնակվող ազգերի համերաշխ պայքար: «Պրոլետարիատը,— նշում էր «Պրավդան»,— բազմիցս իր բողոքն է արտահայտել Թուրքիայում կատարվող դադանությունների դեմ: Առաջավոր բանվորները գիտակցում և անհրաժեշտ են գտնում թուրքահայերի վիճակը փոխել Թուրքիայում հին կարգերի լրիվ վերակառուցման ուղիով: Ընդ որում մարքսիստները

²⁹ „Путь правды“, № 10, 1914.

³⁰ Ն ու չ ն տ ե դ ու մ :

հայտարարում են, որ Թուրքահայաստանի բախտը պճռելու գործում զլիազոր դերը կարող է և պետք է պատկանի իրենց թուրքահայերին»³¹, Դժբախտաբար սպասվող բարեփոխումները Թուրքիայում տեղի չունեցան և թուրքահայերի հարցը լուծվեց չափազանց ողբերգական ձևով:

Այսպիսով, վերը շարադրածից երևում է, որ բոլշևիկյան «Պրավդան», 1912—1914 թթ. սխտեմատիկաբար լուսարանել է հայ իրականությունը: Քննարկված հարցերի շրջանակները եղել են բաժանուն լայն ու հետաքրքիր: 1912—1914 թթ. բոլշևիկյան «Պրավդան» մեծ չափով նպաստել է հայ պրոլետարիատի դասակարգային ինքնագիտակցության բարձրացմանը, նրա ուժերի մոբիլիզացմանը և կազմակերպմանը: Նույն անդնահատելի օգնություն է ցույց տվել Հայաստանի բոլշևիկներին: Դրանով իսկ «Պրավդան» անջնջելի հետք է թողել Հայաստանի ռևոլյուցիոն շարժումների պատմության մեջ:

³¹ Նույն տեղում: